

Visoki predstavnik Schmidt i prvi zamjenik VP/supervizor za Brčko Distrikt Crishock sastali su se sa zamjenikom pomoćnika američkog državnoga sekretara za Zapadni Balkan Kasanofom



Visoki predstavnik Christian Schmidt i prvi zamjenik visokog predstavnika/supervizora za Brčko Distrikt Louis Crishock su imali vrlo produktivan i konstruktivan razgovor sa zamjenikom pomoćnika američkog državnog sekretara za Zapadni Balkan Alexanderom Kasanofom o najnovijim političkim dešavanjima u Bosni i Hercegovini.

“Razgovorom je potvrđena naša zajednička opredijeljenost za unapređenje ključnih reformi i jačanje stabilnosti u BiH, dok se zemlja priprema da odgovori na izazove budućih evroatlantskih integracija”, rekao je visoki predstavnik Schmidt.

Visoki predstavnik je izrazio zahvalnost zamjeniku pomoćnika američkog državnog sekretara za Zapadni Balkan Kasanofu na kontinuiranom angažmanu i čvrstoj podršci Sjedinjenih Američkih Država Dejtonskom mirovnom sporazumu: “Želio bih

izraziti svoju iskrenu zahvalnost Sjedinjenim Američkim Državama na njihovim neumornim naporima da pomognu Bosni i Hercegovini u njenom napretku i razvoju. Zahvalan sam također na nepokolebljivoj podršci koju SAD pružaju radu Ureda visokog predstavnika i mojoj ulozi visokog predstavnika u provedbi Dejtonskog mirovnog sporazuma.”